

Saturday, November 8, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

DAMPA BY ELECTION

Karleh thawhlejni-a Dampa bial by-election neih turah November ni 9 Pathianni tlai dar 4 thleng Political party te campaign phal a ni.

Election Commission of India in inkaihhraina a siam angin inthlan hma darkar 48-a zawm tur dan hrang hrang a siam a, November ni 9 tlai dar 4 atanga November ni 11 tlai dar 4 inkarah Dampa Constituency pawn atanga campaign tura kal, Dampa Constituency-a vote nei ve si lo ten constituency an chhuahsan tawh tur ani tih a ni a, au rinna hman phal anih tawhlo bakah campaign phal a ni tawhlo a, ECI thuchhuah tarlan danin Social meida leh a tlukpui dangah mipui rilru sukthlek tidanglamn thei thil dah chhuah phal a nilo tih sawiin Dan zawmlo te chu kum hnih thleng lungin tan emaw, pawisa chawi emaw, pawl chawi leh lungin tang tura hrem theih an ni dawn an ti bawk.

District Election Officer thuchhuah tarlan danin Candidate emaw Party tin te'n chi leh chi, sakhuana, hnam leh hnam, etc. inkar boruak tichhe thei lam hawiin engmah tih loh tur a ni an ti a, Vote hmuh theihna turin communal feeling (chi leh chi inkar boruak) ti chhuak zawngin engmah tih loh tur a ni an ti bawk.



POLLING PERSONNEL TRAINING

Karleh nilaini-a Dampa bial by election lo awm tura Polling Personnel duty dan tur khawl hmanga thliarfelna tawp ber chu vawiin khan NIC Room, Mamit DC Office-ah neih a ni.

Vawiina thutkhawmah hian Polling Personnel-te chu khawi hmuna duty tur nge an ni tih khawl hmanga thliarna neih a ni a, hei hian duty-na hmuna duhsak bik leh tih bik a awm theih loh dan a entir a, inthlan fel leh thianghlim tak neih theihna atana hmalakna pawimawh a ni.

Vawiina khawl hmanga Polling Personnel-te duty na tur thliarfel hunah hian Pu K.Laltlawmlova, District Election Officer, Pu Malsawmzuala, Returning Officer, Pu Lalnunfela Chawngthu, Election Officer bakah election nodal officers dangte an tel a ni.



APEX BANK

Mizoram Cooperative Apex Bank Ltd. leh Common Service Centre (CSC) e-Governance Services India Ltd. te chuan vawiin khan thawhhona thuthlung an ziaik.

Vawiina thuthlung ziahah hian Apex Bank aiawhin Pu A. Lallungmuana, Chief Executive Officer leh CSC lam aiawh Shri Mohammed Azeez Udin, Principal Consultant, Regional Office, Guwahati ten MoU an ziaik a, He MoU signed atang

hian Apex Bank hnuaia Business Correspondent te chu CSC lam hian an enkawl tawh dawn a, Business Correspondent tam zawk neih theihna leh thingtlang kilkhawr thlenga Bank in zarpharhna hmanrua a ni dawn a, Apex Bank tan rahbi thar pawimawh tak a ni dawn a ni.



STUDENT EXCHANGE AT LAWNGTLAI

Nimin khan Students Exchange in Inter-State Living (SEIL) atangin zirlai 9 leh an mahni buaipuitu mi pali ten Lawngtlai tlawhin, Lai Students Association hruaitute nen LSA Gen. Hqrs Office ah an inkawm.

Zirlai te hian Lai Autonomous District Council a Chief Executive Member, Pu N Zangura chu a pisa ah hmuin, LADC inrelbawl dan leh zirna leh thildang danga LADC hmalak dan leh kalphungte zawtin an sawi hova, heng Zirlai, Lawngtlai tlawhtute hian Zirlai pawl hruaitute leh CEM an kawmna chu hlawk an tih thu an sawi.

Students Exchange in Inter-State Living (SEIL) hnuaia State hrang hrang atanga zirlai thlanchhuahte hian Mizoram chhim lam an tlawh mek a, Zirlai ten tawnhriat tha tak an nei theih nana hetiang hi buatsaih a ni.

Lawngtlai tlawh tute hi Punjab, Jamu & Kashmir, Madhya Bharat, Kashi, Jaipur, Uttar Banga, Gujarat, South Karnataka leh Meerut atanga lo kalte an ni.



PTC RECRUITMENT

Akashvani (All India Radio) Aizawl Regional News Unit chuan District hrang hranga thawk tur Part Time Correspondent (PTC) a la dawn.

Akashvani Aizawl Regional News Unit chuan PTC tur hi Aizawl, Hnahthial, Vairengte, Champhai North leh Chawngte ah te a la dawn a, kum 24 atanga kum 50 inkar Graduate tan November ni 14, 2025 thleng dilna thehluh theih a ni.

PTC dilna form hi News Section, Akashvani Aizawl pisa Tuikhuahtlangah lak theih ani dawn a, AIR News Aizawl Facebook page ah download theihin a awm bawh ang.

Hrechiang duh tan AIR News Aizawl Social media page ah leh phone number 8131823773 ah zawhfiah theih a ni.



TRUMP PROMOTES INDIAN CANDIDATE

US President Donald Trump chuan Ohio state Governor inthlanna awm tur atan India mi entrepreneur leh Republican tana presidential candidate hlui Vivek Ramaswamy chu a thlawp thu a sawi.

Social media-a a post-ah Trump chuan, Vivek Ramaswamy chu Ohio Governor atan a ding dawn tih sawiin a thlawp thu a sawi a, kum 2016, 2020, leh 2024-ah te Trump hi a Ohio ah hian alo ding tawh a ni.

